



Kat. Komp.

14037

III Mag. St. Dr.

P

. Cas.

ensis


Thomensis, Gradenensis et Mariaeburgensis Collegii

S. J. Culmen honoris.

PANEG. et VITAE

Polon. Fol.

Nº 81



7
I
DE
E
A
Coll

CULMEN
HONORIS,
&

Altum publicæ felicitatis fundamentum,
LAPIS PRÆSULEUS.

Illustrissimi, Excellentissimi, & Reverendissimi Domini,

D. JOANNIS
CASIMIRI

AB ALTEN

BOKUM,



DEI, & APOSTOLICÆ SEDIS GRATIA;

Virtutum merito,

14687 III

Communi Prussiæ votò,

EPISCOPI CULMENSIS.

&

POMESANIÆ.

Regni Procancellarii,

ABBATIS CZERVINENSIS.

Ad fastigia Gloriæ immortalis,

EVECTUS.

à devinctissimis Diocesanis, Prussiæ Regalis,

Collegiis Societatis JESU, Torunensi, Graudentino, Mariaburgensi,
profundissimo cultu.

ADORATUS.

Anno Lapidis Angularis
MDCCXIX.

7. XVII. 3

THORUNII

Impressit Joh. Nicolai NOBIL. SENAT. & GYMN. Typographus.



Quis junxit lapides ostro?
 Crescunt miracula Saxi
 Saxum, . . . quod, à summo jam vertice rursus
 Volvitur.
 Superisq; habitabile saxum.
 Tempa novo decorare saxo
 Signataq; saxo
 Nomina
 Hunc homines lapidem mirantur.
 Notat meliore lapillo,
 Hic omnem fortuna virum.

Claudianus.
 Virgilius.
 Lucretius.
 Sylvius.
 Horatius.
 Ovidius.
 Lucretius.
 Rutilius.



ADORATA
 Anno 1712
 THORNTON
 IMPRINTS JOHN KNEELAND STATIONER & GRAMMARIAN

ILLUSTRISSE
EXCELLENTISSE
REVERENDISSE

ANTISTES.



Rige spes humiles, demissos erige vultus,
Atq; paludatum, superindue Prussia cultum,
Præsuleus sic mandat honor; Præcelsus ab
Alten,
Nil humile expectare jubet BOKUMIUS:
alto

Orbe vehit Saxi, populis adamante recusam
Fortunam, solidatque vices, ne lubrica gressus
Diminuens splendore diem, brevis incola tectis
Obliquum meditetur iter; se Sternit in ima
Fundamenta Lapis; succollant Saxa penates.

Magne modo Antistes fessis quem Prussia votis
Ardet, & erecto de vertice Culmen adorat,
Impertire Caput Mitra, impertire Tiaræ
Culmensi placidam frontem; Te Præsule quantus
Surget apex! superat major, fastigia virtus!
Hinc, pedibus subjecta Tuis, se Purpura supplex

Sternit

*Sternit, honorq; novo, ceu sublimandus honore,
 Præsuleos humeros ambit, redimireq; vittis,
 Ni renuas, & Purpureo radiare sereno.
 Culmine prospectant Mitæ, & patulo ore queruntur
 Excessum meriti! quidquid sublime putatur,
 BOKUMIO minus est; nam plus virtute meretur.
 Quàm teneat; sublimis apex & Culmen honoris
 Ipse sui, Tyrium Latii non sufficit ostrum?
 Sufficiet rubeus, quem promet Roma, Galerius.*



Mnem movemus Lapidem, universis sua-
 dae membris, & toto in suppetias vocato
 robore, desudamus, ut Saxum Tuum, ul-
 tra Carpathi culmina attollamus; nec pu-
 det Sisyphos esse. Cui etenim grandes
 Titulos ad perennitatem sæculorum, firmitus? ad Fa-
 stigium Tuorum meritorum gloriosius inscriberemus;
 quàm adamante firmiori, Tiaris evecto Lapidi? Non
 aliter tamen, sub eminente BOKUMII Saxi ponde-
 re, elogia nostra laborabunt, nisi ceu sub Cælo Atlas;
 sub adamante annulus; sub gemma conchilium; ut non
 facile quisquam distinguat magisne ornet, quàm o-
 neret? pondusne sit, an monile quoddam Reginae
 eloquentiae? Conciliat nimirum, gravitatem levi ex se-
 calamo, folio splendorem, quod ceu sub pumice ra-
 dios evibrat, diciturq; Regale, id est Serenissimum.
 Illa ipsa penna, quæ Te Antistitem, Poloni Iovis de-
 licium, tanquam Ganimedem (si attolli potes, qui
 meritorum magnitudine excedis honorum culmina)
 elevat, tantum non astris inseritur. Vide Præsul be-
 neficentissime, ipsos etiam Oratores, qui primarum
 cogitationum impetu Tibi advolvuntur, ceu alatos
 Mercurios, in sublime eluctari; ad Tui elogii argu-
 mentum, ad exaratas aurci Præsulis laudes, veluti atta-

Et melioris Midæ, reddi pretiosos, reddi fortunatos
Perquam enim avida est mens mortalium, primos exo-
rientis beneficii radios, ad se dirigi; primos fructus de-
cerpere; & plerumque inter felicitatis fastigia recense-
tur, fuisse participem fortunæ. Sic montium apices tan-
tùm non trabeati, quòd primò solem viderint.

Sed quid attollendo encomiis, Antistitis Lapidì pa-
res humeros jactamus? qui totus quantus est, (totus au-
tem est boni publici Achates; infortuniorum Scylla:
totus aureæ mentis, plusquam Lydius.) Sive prægran-
di virtutum, & originis mole; sive profunda, repudian-
tis laudes, animi demissione, in altum nostræ felicitatis
agitur. Agitur autem peritissimè, ut securam perenni-
tatis, & nullo temporum confinio lædendam sustentet,
erigat, imò condat etiam publicæ felicitatis Regiam.
Quantus enim es Præfulum Eminentissime, (es autem
Summorum compendium, & compendiorum apex]
totum Te Præsulem, Senatorem, Procancellarium, &
quod maximum est, totum BOKUMIUM, incommo-
da prodigis populorum. Quid enim Præsulei diadema
Capitis, nisi fatiscentium sua sub calamitate Civium tæ-
nia? Utroque cornu, infortunia à Provinciis, Provinci-
as propulsat à peccandi libertate; exorat unà hiantem ore,
grandi anhelitu, à superis beatitatem omnibus; quan-
quam cùm Pontifex sis potes alrerum imperare, alte-
rum impertire. Insula Tua simulacrum est gravissi-
mè suspirantis animi pro incolumitate publica; aut
certè Erythræum conchylium, tantùm non lacerat vi-
scera, ut gemmis potiozem effundat cordium unio-
nem. Ille etiam Sacerrimus Coronæ Tux apex, Crux
scilicet Præsulea, supereminens fronti, documento est,
Cruces Patriæ, assiduam remedii meditationem, Anti-
stitis prima semper in fronte esse; atq; ut alii, trium-
phatis Regionibus, Germanici, Scythici, Macedoni-
ci No;

ci Nomina induerant; ita Tu post deletas malignæ for-
tis copias, Crucis trophæum artollis vertice, sacrasq;
Alteram torqui insertam promittis collo, alteram Illu-
strissimi Capituli Crucem recondis pectore, ne genus
humanum gravetur. Sic Herculem adstrinxit Tyrus,
ut se evolveret periculis. Sic noctes affigunt Cælo O-
riona, Leonem, ursas; ne latius pavor habitat, quàm
homines. Impertiris Te integerrime Præsulum, imò
Te totum, mortalium necessitatibus elocas; hinc tan-
tus beneficii excessus, Cruce plectitur Pontificia, mul-
tiplicata etiam; ut tali conspicuus ternario non possis,
nisi tanquam Beatissimus, & primum, egestatis pro-
scriptæ caput, adorari. Annulum porro, sive Regni,
sive Episcopalem induisti manui, arrham desponsa-
rum nobis gratiarum, ne JOANNIS duntaxat nomi-
ne pollicereris. O ingentis prodigia gratiæ! non tan-
tùm in fastigium felicitatis evexisse, intercessisse ino-
piæ; sed providere etiam stabilitati, & fortunæ! An-
nulus nempe Tuus fortunatior rota est, Polonum
axem circumagens, & æternitatis symbolum certissi-
mum, perenniter se volventium gratiarum. Aut
certè Gygis annulus est, intercipit omnem calamitatis
apparentiam, & videri vetat. Scipione verò Pontifi-
cio, quantùm assurgunt collapsæ spes mortalium! haud
aliter, quàm solis Regia fusis luce solida colossis. At
cùm regnet Tuo in solio fortuna sublimior; Pedum
Pastorale, in Sceptrum degenerat, quò ut Iupiter con-
vocas grarias, jubes, disponis. Illi autem, quorum in-
digentias auro redimis, siccas splendoribus lacrymas,
& fortunæ accendis diem, auream Mercurii virgam au-
tumant, tanquam Æneæ prodromam ad Regna opu-
lentia. Hæc tamen nullo cingitur serpente, ut vota
exhibilet; extrahit aculeum calamitatis, non infligit,
alata est, ut conciliari possit cum celeritate Tuarum
gratiarum,

Inge-

Ingenium Tux munificentia excedit captum,
tunc scilicet reddimur felices, cum optas: quæ pollice-
ris æquè secura sunt, ac si tenerentur, & ideo possessa
ac possidenda pariter delectant, prima delibatio gratiæ,
est quædam satietas. Murice Tuo paludata communis
procedit egestas: in pensum abit Purpura, quod in
aureæ vitæ filum operosæ solvunt Gratiæ, non Parcæ.
Perinde est, sub tela hac recondi, & esse Felicem. Tu-
us igitur honoris apex, calamitatem sublevat; com-
munis felicitas promanat ex Te; sufficitq; Te reddi
beatum, ut omnes simus. Adoraris Pontifex? & uni-
versos fortunatiore vivendi ordine initias; infortunii
mole aggravatos, Præsulea absolvis manus; factorum in-
clementiâ pœne sepultis, impertis sublevationem. Cū
itaq; omnes integerrimi Præsulis partes impleveris,
nihilominus, vix ægrè, parte Tui, laudari potes. Tan-
tum scilicet meritis Tuis inest pondus, Purpuratiq;
senii gravitas! ut non facilè attollaris etiam elogio.
Partitur Te proinde audax stylus noster Polonum
Præsulem, in frustra; quodammodo discerpit, ut al-
terum STANISLAUM, citra vulnera tamen, sed non
sine purpuratæ gloriæ profluvio. Manes nihiloseci-
us integerrimus, cum ita exdivideris. Ardent aliis
illustres tituli, sed tanquam Siculæ turres, ut pessum-
dent omnia terrore, & majestatem famæ conciliet ple-
bis trepidatio. Fasces innectunt securibus; ceu pun-
ctum honoris esset, vulnus acerrimum, & ambitionū
Regio, non vano nomine, ingens plaga. Aliter Tu
Præsul Maxime; aliter Alteniorum Prosapia, quæ
cum BOKUMIS eadem est, Orbi illabitur; uterini
illi splendorēs vitæ, & gratiæ. Odissetis lucem, si hæc
statim bono communi non sacraretur. Atq; ut Pa-
ctoli fontes, statim auriferis; ita primus, BOKUMIO-
RUM sanguis, quò purpuræ colorantur, & Regna vi-
vunt,

vunt, humano generi saluberrimus.

Primum Illustrissimæ Alteniorum lineæ, ceu honoris punctum, LAURENTIUS ab AltenFRIDERICI BARBAROSSÆ, Romani Imperatoris, adversus Principes Infidelium Comes, cor & plusquam assessor. Illius sive Nomen sive æternaturæ introspectas opera, totus triumphalis fuit, totus inter ferventes Lybiæ arenas Marte incalescens, contra callidissimum Saladinum veluti Romani, flammam custodem, Imperitii, nutrirer pectore. Conquirebat exercitui universo annonam, mortes hostibus, ambrosiam suis propinando; & tantum non Jovis craterem. Sustentavit adeo enervatas Fidelium vires, omni alimentorum genere copiosissime, ut pulchro nomine, Exercitus, Copiæ dicerentur, æquæ Viris ac cibariis instructissimæ. Novum ille venalis alimonix commentus pretium, à recusante Bulgaria, aurum statuit emendum ferro! auditus etiam; Darent sponte merum, aut adaecti sanguinem: ferrent lances, ne lanceis feriantur, & probellariis cruenta ferant bella, semesaque cadavera suæ tabi innatantia. Et facile persuasit Gallicanus Hercules, datis in vincula reluctantibus. Sic Fridericus, ducebat militem, hic alebat, hic vires, ille animum, ille famam, hic vitam augebat. Non ignoravit, honestam fortium virorum ambitionem, primam pro Patria arenam ascendisse; primæ, proinde Cohorti, Dux Laurentius ab Alten præficitur; primam fracturus glaciem belli. Spirabat se toto Gradivum, & multo, quantumvis hostium tabo ebriz, marcescebant Othomano herba, triumphales collucebant pyræ, ignibus gloriosis Friderico. Quamcunque enim, gravi hostibus vestigio, pressit tellurem, è vestigio, in pulchram sementem gloriæ, contendebant palmæ, in frontem serpebant laureæ. Hinc, certatum plerumque acrius ab omnibus,
de Duce

Illustrissimæ
Laurentius
ab Alten
Boku
mi & cō
tra Othoma
nos
Dux
Stre
nuissi
mus.

de Duce Altenio, priusquàm confingeretur cum hoste,
& triumphus quidam, dubiâ belli aleâ superior notaba-
tur, Ducis ab Alten signis victricibus. Prodigus nem-
pe juxta cruoris in hostes, atq; in Commilitones lau-
rearum adeò, ut per amœno [si livor exesset] recrearet pu-
pillam spectaculo, laureatam vidisse legionem, Lauren-
tii Ducis, magnis passibus connitentem. O quoties ut
Niobe obriguère Othomani! obstupuère Thraces!
vim quandam humanâ majorem, supparem tamen
Altenii virtuti, Gelones admirati! quæ suis, ferrum
manibus, cor pectoribus, vitam deniq; ipsam, mille
enutritam mortibus, extruderet; & ignorabat rudior
barbaries, se in magneticum Saxum BOKUMIORUM
offendisse, quod, chalybem excussum, longè attrahe-
ret, allideretq; ceu scopulo, cruore animas naufra-
gantes. Expalluit Cynthia, ad ejusmodi sanguinis pro-
fluvium; toties ad suæ lucis deliquium fatalis nola, in-
vitas Turciæ aures lacerare credebatur; quoties obstre-
puère reboantium armorum sonitus, qui longiùs re-
percussis Euris pavorem detulissent, ne laboranti Lunæ
succurri posset, antè, horrore percussâ dexterâ, quàm
globo. Secunda omnia, Ductore hoc fortunatissimo
si primam legionem prætereas, quæ potiore merito
inter primas maximè computanda, quia secunda nul-
li. Ea Gens, estis BOKUMII, ut, si præire velitis Au-
gustissimis, nemo Vobis prior; si succedere, nullus
Principum, Comitumq; honoratior comitatus. Le-
gati à latere, à corde Imperatorum Ephestiones, ex
utroq; si non Cæsares, Cæsarum tamen Parmeniones
fidissimi, Strenuissimi. Quocunq;, tandem excurrerit
Virtus prodroma Laurentii, victore ferro laureas demes-
suit, quibus in suâ, Imperatoris frontem redimiret. Ul-
tro se, sub manipulos, maturior seges clypeata Virorum,
conferebat, ne spes duntaxat in herba aleretur. Habenis

hæc ita pridem adaucta, effrenis Bulgaria, abunde
commeatum supervexit equitibus, sed nova bella pro-
creabant bellaria; submissæ dapes irritabant gustum
gloriæ, neque sopiebant orexim triumphorum. Frons
totius exercitus Altenius, grandi minarum supercilio,
vibrans fulmina ut Jupiter, Ulysses consilio, potentî
Diomedes manu, & Ajax fortior. Non tamen prius,
gregarios, sub signa aggregaverat, quàm, frangi ne-
sciam virtutem, exploraret Saxum. Aureus Dux pas-
sim declamari solitus, sed in chalybem recrudescere e-
legit, ni profundius, in pectus injectas, Mavortis iras,
decoxisset. Terere triumphali vestigio Palæstinam,
conterere Cynthiæ cornua, in votis erat, Orientem
eclipsari, perennem Austriæ, imò Christiano Orbi me-
ridiem invehere. Quid memorem vocalia, famæ
Martisque lituis, Nomina? ex amplissimo victoria-
rum theatro; quid in campum Tullii deducam Triarios
invictissimos? Albrahtum ab Alten, Ernestū Carolumq;
Magni occurritis quantumvis regalibus foliis Altenii,
maiores in acie heroes, heroumq; Duces maximi, vel
ab Imperatoria clavâ Alcida, Achilles, Hectores.

Fatigat calamos, fortitudinis bellicæ agilitate ab-
reptus Albrahtus ab Alten, tota quâ valuit (valuit au-
tem maximâ) contentione virium, bicipitibus præ-
currit Aquilis, ad mille fulmina interritus, vel ipsa au-
sus provocare pericula, fecitque, quæ Mars fecisset ipse.
Geryonem dixerim, sexcentis, tela, pectoribus con-
vellentem, totidemque protensis dexteris, laureas ex
hostium manibus protrudentem. Vix ille Martium
calcaverat campum, surgebat sub pedibus seges Cad-
mea, clypeis, hastis, expedita, quæ collabentibus ad-
versæ aciei copiis, armorum copiam daret, erigeret
trophæum vel invita. Ruebant truncata hostium cor-
pora, ad plantas Altenii, humili sepulchro, sed alta
strage!

strage! ne perenne, mortuorum quantumvis, decesset
Victori homagium. Duriorem ferro glebam ad mes-
sem gloriæ excolebar, Marte incalescens, ceu Vulca-
niis flammis, ferream hosti excoquebat servitutem,
cudebatque malleus ille Tartariæ compedes, non faci-
lè exuendos. Tantum pede perterritus! protrivit!
profligavit! quid? si totam exeruisset dexteram? Pi-
lam ludentis fortunæ, ignitorum grandines globorum,
autumans, in caput hostium elisit, elusitq; vesanum,
ferri, impetum. Auster, bellorum sufflabat incendia,
contiguam sensit Oriens flammam, devitans charyb-
dim, ceu in scyllas, in BOKUMIORUM Saxa impe-
git. Adeò, fatum, fato ulciscuntur superi, si quispi-
am, arcanis legibus statutum à Numine velit evita-
bile. Non ille, sub frigido quantumvis Jove, de Martis
fervore remittere, imò, continuò, injuriis exaspe-
rante Cælo, omnem sensum penitus exuere videbatur,
præter gustum gloriæ & triumphi, cujus spem opti-
mam devoraverat. Imperium & non communis vi-
giliarum labor, Ducem à milite; Generalem distingue-
bat, à gregario; nisi, quòd hunc, arduis quibusdam
perferendis, vilior fors damnaverit; illum, ultro se mil-
le incommodis, periculisq; objectantem, virtus heroi-
ca impulerit, & fortitudo. Nempe Dux gregariorum
dici meruit & esse; qualem optasset, contra Anniba-
lem Fabius, Conon adversus Lylandrum, Marius in
Iugurtham. Qui, utinam, retroactorum temporum,
supervixisset testibus, Curtiis, Liviis, Justinisq; im-
pleisset profectò, sæculis coævo Alteniorum Nomine,
ingentes codices! auxisset centifoliis paginas, suo ta-
men angustas elogio. Quæ etenim penna, tantum sepiæ
impenderit, fundendis encomiis? quantum ille cruo-
ris? In campum Martium liber abeat, laureæ in folia
exuberent; tum demum fastis Alteniorum facta, ad-

notari, hostium cædes exarari incis, selecta colla, pe-
riodi colo, poterunt circumscribi.

Ita planè, postquam ad oreis ampliassètis campos,
Oratores etiam, in angustias coegistis, veluti perinde
indixissetis bellum hosti, atq; laudi propriæ; idem
certamen calamis, quod gladiis, hastis, lanceis; nisi, quia
istà, inserta animo Vestro persequeretur modestia; illum
innutrità heroum pectore, percellat etiam virtus, fran-
gatq;. Arctastis deniquè, totà Europà latissimè pro-
tenso tractus, uni Imperio (quod satis ad mensuram
alti nominis est) vires & animum impendistis, & tot
Imperiis Regnorumq; cardinibus tenemini! an veri-
ùs Regnorum tenetis clavum ad clavam. Fidem jam
hominum expugnatis, cùm illa, de Vobis credere de-
beamus, quæ nec ingeniosa Vatum commenta finge-
re, nec adscititiis fucata veritatis coloribus, unquam
pingere potuit mendax assentatio. Providentes, pu-
blicæ integritati, nullâ, non estis orbis parte non in-
tegr; integro tamen universo, ne pars quidem Vestri
comprehenditur. Altera manu Orientem, Occidentè
altera, tenetis cum Macedone, serenatis cum septem-
trione meridiem, tanta lumina! Hæc ipsa Provincia, in
quam Te Antistitum maxime, gravi, meritorum ho-
norumq; demittis passu, pridem, anteaكتورum tractibus
sæculorum, in Alteniorum gloriæ campum abiit. Su-
persunt hodie etiam, nulla temporum vetustate, at-
terenda, Ernesti ab Alten vestigia magna, quibus Tu,
ut viæ Appiæ insisteres; Ille præivit ad pompam ho-
noris. Si verò ad *Illustrissimi Capituli Culmensis* a-
vitæ Crucis splendorem reflectas lumina? etiam hæc
suffragatur honorî Tuo, viam Regiam Crux adornat,
Regalem in Te virtutem venerata. Olim pendeat
illa, quàm propiùs pectori, tam à corde remotiùs
Theutonico, nec præcidi poterat, quàm prærupto vi-
ta

Illustris-
simus Er-
nestus
ab Alten
Bokum-
us Theu-
tones in
Prussia
profligat.

te flamine. Proh Superi! quantum hic ordo confudit jus omne manu ferrea! Dux universalium Copiarum Magister audiebat, specioso cognomento, firidimenta virtutum, primâ non eliminasset mente, non bene feriatus tyro. Ut tandem ad ingenium rediret, providere Superi Ernestum Altenium, Attilam meliorem, mitiora minitantem flagella, ante arma. Obrigit hostis pervicacia ad Saxum, sensitque toties sibi victore ferro, crucem fabricari, quoties in sinum Poloniae, exundans prædo, bona terrestria auferret, prædivites diriperet gazas, Urbes Vicosque plurimos, suæ faceret ditionis, sed non juris. Succensuit Serenissimus Sigismundus, malè dominantis libidini, maturèque sub signa vocavit manipulos, in alienam messem involantem, retusus falcem Saxo BOKUMII. O ^{Lucant} Superi! potuit quantum terræ pelagique parari! ultra maria procurrens, teneri limes, in sua viscera populo sæviante! Objecit lernæ paludis monstro, Herculem; Achillem, innumeris Teutonum millibus, Ernestum Altenium. Quis referat gestientis Bellonæ classica? Gradivi tripudia? quibus lassatus hostis cecidit! surrexit Prussia! fugatæ Victricibus Aquilis, sanguinis nostri, vultures peravidi! Qui etenim per Provincias signa diffundebat, ad ripam Vistulæ deletus hostis! ultro se mœniis incarceration, acie victus, vincendus obsidione, ante compedes. Quatquam nec Castellis vallata, tuta satis unquam rebellio est. Prosequitur Ernestus laureas, de dispersis latè per campos, adrearum messem colligit, mox Mevam Svieciumq; advolat murali corona decorandus. Darent se, inquit, fidei Altenii, sædisfragi, in herba sua spem veritæ certissimam decerpturi, sædatos cruore diluerent artus lacrymis, signisq; Regias admoverent Aquilas, nisi cessille eligant, præda vulturibus. Sed ubi armorum

D

strepitus,

streptus, necdum sanæ mentis otio sopitus, omnem
monitis viam intercluserit; Igitur tonare Tormento-
rum grandine, pluerè ignibus, ante fulmina. Quis
edisserat? æstuantem, heroum animo Gradivum, Al-
tenio fulminante? in altis, fortitudine præcelsa, fos-
sas, se præcipites agere, alii scalas insilire, alii mille
disjicere repagula, portas cum Annibale effringere, il-
ludere saltu mœniis! Cannas transmigrasse in Prussiam,
in Vistulam se exonerasse Trasimenum dixerim, citra
Capuam tamen, Vires Annibalis enervantem. Et jam
facile colligere erat, terris sepulto hostium vultu, quan-
tùm Ernestus timeretur! ex facie exlanguì diffusum
pavorem. Serò, post vulnera didicit hostis, posse
quidem minas Altenii fugere, effugere non posse vin-
dicias. Quantùm tunc, de elato supercilio Theutoni-
ca frons demiserit? pectus de animo? artus denique
omnes de spiritu? Temperavit tamen acerbiores sin-
gultus, lethalibus superstes vulneribus dolor, peren-
nibus, nomina fastis, ratus exarari, quæ ab Ernesto de-
lerentur. O Ducem timore ipso amandum! Tu Gra-
tianus ultra Gallias, Italias ultra Valentinianus, The-
odosius ultra Hispanias, Drusus extra Romam. Lidi-
cit tandem Orbis, Quid in campo valeant Altenii?
quid in urbe propugnaculis contumace possint! post-
quam fecerint. Nihil à vobis, ad triumphì pompam,
prætermissum, quod ausi non fuissetis; nihil ausi estis,
quod, strenuissimis non proposuissetis heroibus; nihil
proposuistis, quod universos non decuisset imitari.
Omnium heroum animæ, citra superstitionem Pythago-
ræ metempsychosim videbantur Ernesti artus incoluisse,
quorum concisæ vitæ periodos, pneuma vastissimum
ampliaret.

Dum hic itaque, ad occalum vergentem Prussiam,
protracta victoriarum serenitate, irradiat; micat, ut
fulgur

fulgur in Oriente, Carolus ab Alten, Ukrainenses campos, in laurearum feraces Colonias, ferrea manu exculturus. Illam videlicet laceffivit gentem barbariæ, quam terror Orbis Macedo panico visus timore afficere, compulit hic in fugam scythas, vel ideo non assecuturus victoriam. Quis enim inter manubias Thracum spolia referat? Sagittariis adornet trophæum! Rudis moribus barbaries, sed ferro acuta; gelidæ Mæotidis incola, exardescit, in prælia: plurima tenet latifundia, & nulla possidet. Terra sterilis scythia, sed sementis Cadmeæ feracissima. Huic itaque in Polonia exundanti campum, aggerem se opposuit, id est antemurali Christianitatis pectus adamantinum. Stetit in barbam Satyrorum gregibus Caroli virtus, improbum caput, unâ cum vitæ stamine avullura; ante tamen fronti barbaricæ adurens notam, prius mente, quàm vitâ, spoliata. Sensit ictum Tartarus, hoc enim illi duntaxat restabât, ut sentiret, erepto animo. Igitur, ululatu vindicaturus vulnera, Cælum exasperat, densâ jaculorum nube, solem eripit orbi, & unâ clarissimum heroum sidus Altenium, dextro privat lumine. Prospiciet tamen Carolus, unicæ Lechiadum pupillæ, Libertati, uno oculo perspicacissimus, cum longè clariùs plura videat amœnioris Cæli oculus, quàm millena noctis sidera. Cæcam fortunam obtrusisti manibus Scythia, erepto lumine; an veriùs, cæcum Patriæ amorem intelligere debeamus? quô deperiit Sarmatiam, & hostis periit oculatus, Scilicet fugit delicatior Caroli pupilla Tartarum, ne cōfinio disliti licet, ejusquæ nefandi sceleris laderetur. Quid enim, ad egerendum dolorem reservaretur? si potiùs; totis artubus propinaret hosti cruorem, quàm guttam stillaret lachrimæ? Ad oculum sit orbi Christiano, non terga, armosquæ, hostium armis, objectasse Altenios; sed minarum

Illustris
simus
Carolus
ab Alcē
Boku-
mius
post
multam
stragem
infideli-
um ca-
dit glo-
riose.

narum Supercilium, heroicam frontem Martis faciem,
Gradivi pectora. Dextro etiam connivente oculo,
præfixam scopo, configet barbariem, ferietquæ quid-
quid arcus minabitur. Dux in amorem oculus eri-
pitur? quid itaquæ superfit? præter odiorum exerci-
tum? & ad vindicias castra instructissima? Fatalis hic
Universæ Thraciæ scopulus, oculus est! hians, effosâ
palpebra, tumulus! abruptum tartari barathrum! A-
crius lacescita virtus desæviet, sole publico indignum
Thracem, vitæ lumine exutura. Erigit se, omnibus
major periculis Carolus, & pari fortitudine, turpè fu-
gientibus occurrit suis, & Tartaris. Siccine, [inquit]
o miles! tot partas laboribus calcaneo præcipitas lau-
reas? potiorne vita, quàm fama nominis, emori nescia?
sat ignominia! cæpisse fugere. Dixit, & in medium
se jaculatus hostem, irruit, gaudetquæ viam stravisse ru-
inis. Illud, per erogata mille vulnera, empturus no-
men, quod veneraretur posteritas, immortalitas coro-
naret. Hunc conto, hunc gladio, hunc grandi super-
cilio exanimat; Solus ad victoriam obex, cæsorum ca-
davera; mora longior ad triumphum, assiduitas feri-
endi. Jam penè, multo cruore ebrium, mortibus sa-
tium hebetaverat mucronem, pectore magnetico,
sexcenta attrahit tela; ut à suis averrat. Tandem millenis
obsitus, vulneribus, pluribus à se inflictis, non inglorius
cecidit, grande suum trophæum, ipse; post fata etiam ad
tartarum usq; persecuturus Tartarum. Magnus jacet, qui
magnus cecidit; ad ipsa rudera demissus Rhodiæ Colof-
sus, prodigium Universi est, & orbis miraculum. Acutiùs,
magnum heroem loquerentur, tot mucronibus sarissis-
quæ obsita vulnera, ni sagittarum acumen, Saxo BO-
KUMII hebetante, ipsa quoque ferro fuissent obturata.

Plures Augustos laureatosquæ Manes, anteactis so-
pitos ætatibus, non resuscito. Quid enim vel ipsis
mauso-

mausolæis gravem, refodiam conscriptum dolorem ?
 Illi, longa serie, fumosas, avorum, proavorumquæ ima-
 gines, publicæ proponant luci, Majorumquæ Ceras ac-
 cendant, quibus, nullus affulget honoris radius, præter
 Solem ; lux nulla micat alia, præter primam. Origo
 vestra Illustrissimi BOKUMII, Semigalliæ Ducum
 gloria est ; reperistis inter fascias fasces. Arbor Fa-
 milia vestra, ceu Dodonæ nemus ; sive, quod ex
 truncis hostium surrexerit, & inter Imperatorum Sce-
 ptra adoleverit ; sive, quod nullam securim admiserit,
 præter Senatoriam ; sive quod Oracula fuderitis elo-
 quio, factis miracula. Vester sanguis, ceu Erythræ-
 um, gemmas parturit, Ducalibus Clavis, Sceptris Au-
 gustorum, signatoris annulis inferendas. Non ador-
 namus proinde, BOKUMIORUM decora, adscititio
 verborum apparatu, cum sublimior, quantumvis stylus,
 Ducum Celsissimorum non attollat facta ; nec virtus
 efferatur laudibus, ipsa sibi elogium. Solus Illustrissi-
 mus, Joannes, Henricus ab Alten BOKUM, magni
 Ducatus Lithvaniæ Dapifer, Artilleriæ Regni Gene-
 ralis, Capitaneus Zavichostensis, Tuus Progenitor,
 amplitudine meritorum, ad angustias (ut tabella Apel-
 lis Alexandrum) nos redigit ; qui, licet virtutum Com-
 pendium extiterit, majora tamen vendicat Volumina,
 & Fastos. Vnicum ille Regni delictum, Cor Regum,
 & Nobilior anima, trium Poloniarum Regum CA-
 SIMIRI, MICHAELIS, & JOANNIS tertii, no-
 vus Hercules Gallicanus, adeo devinxit animos, ut
 concatenatas attraxerit gratias. Semel ad Cor Regi-
 um admissus, semper affectus coronatos retinuit ca-
 rior Ephestio ; gemmeum à pectore monile ; baju-
 lus Regii vultus, Cordisque Principum Smaragdus.
 Prodigium est istud ! unus, serenitatem universo in-
 vehit Titan ; unum BOKVMIVM, tres Poloniarum
 Soles, beato quodam influxu irradiant ! reddituri Illu-

Illustris-
 simus
 Joannes
 Henricus
 ab
 Alten
 Bokum-
 mius
 Proge-
 nitor.
 Illu-
 strissi-
 mi An-
 tistitis
 Toga &
 Sago Gla-
 rillimp.

strissimum, nisi auroram etiam Illustrissima prævenissent merita, pro quibus Themidis, decideret gladius, non Gratia litarent, quantumvis Regia. Diem itaque solis semper Progenitor Tuus nactus fuerat, dum viveret, qui fasces distingueret trabeis, in majora inauguraret subsellia, & curules. Quid enim, ex Solio descenderet, præter altiora laticlaviam? quid, Augustissimi porrigerent affectus, præter Purpuratorum gremium & sinum? quid augustalia obtruderent meritis, & amplissimæ BOKVMIORVM Domui, præter solis Colossus? Concinnâ, omniq; numero absolutissima, personabat rectefactorum harmoniâ, ut Memnonis statua Saxum Vestrum; dulcis meritorum concentus, blandè vellicabat aures Principum, in tripudia provocabat animos, ut profiliret in Sarmatiae Hectorem bravium; in Senatorem Toga, in Numam cultus & veneratio; tot videlicet congiariorum stipendiis, indefessa belli studia, consilii maturitas, pietas in Patriam persolverentur. Traxerunt hæc in curas maximas, coronata Capita; unica Regum sollicitudo, de BOKVMIO, pro integritate Patriæ adeò sollicito! Igitur, novas Purpuras, mente texere, quæ pretiosum sudorem, propinatumquè hosti abundè sanguinem, imbibere; fabricare curules, ad pulchrum quietis otium; Senatorias (fortunæ BOKVMII fabri) procudere secures, si publicæ securitati provisum, si hostem, malleum inter & incudem, relictum esse velint. Et cum hæc, sexcentaq; dignitatum laticlaviam congererent, necdum omnia ex asse BOKVMII persolvebant merita. Multiplex videlicet, debebatur trabea Generali; Universalis & simul singularis virtutis Duci, totum honorum exercitum, decuit militare; ne tantum, Princeps astrorum, divite radiorum satellitio; Dux Æthereæ cohortis Cynthia, splendido stellarum comitatu

mitatu; adamas pretiosior, radiante lapidum grege
circumventus superbiret. Tales, honorum, in aciem
Generalis, expediebantur legiones, confœderato nexu
fascium, cum laureis. Non licuit nempè, tanto He-
ctori feriari, absquè solenniori honoris pompa. Tot
heroicis actibus comparato habitu eminendi, procede-
re decuit, per triumphì gloriæquè Olympia, paluda-
tum Senatorem. Sed receptui canere imperavit Ge-
neralis, ne illum, victoriarum vestigiis lassata, asseque-
retur Dignitas. Haud recuso inquiebat, securibus
dexteram; sed refertam manubiis, sed hostium jugulo
hebetatis. Armos submittam purpuræ, post arma;
post sagum, togâ supervestiar. Ille, virtuti meæ mu-
rex concolor, quem, hostilis intingit cruor. Prius
hostium hostis, quàm Pater Patriæ, audire percipio.
Adeò BOKVMII Saxum ad honores obstinatissi-
mum! quod nec Amphion ipse movisset unquam, si
filo purpureo instructam pullasset cytharam. Ergo
post menses Martios, ad Regni mensas; post lanceas
& bella, ad bellaria, liberalitati Regiæ Te invitanti, ge-
re genium. Publicæ fortunæ mensa est, dulce laboris
obsonium. Paruit legionum Imperator, longiore e-
doctus usu, frangere robur hostium, fregit benemeren-
tium panem. Discubuit, ad Dapiferi epulas, tota
Lithvania, illa dexterâ, qua hosti porrigebantur toxica
mortesquè ossæ, melioris alimentum vitæ desumptu-
ra. Ille verò ad Regalis triclinii lautitias necdum sa-
tur, orexim famelcentis sopiit famæ. Seposuit
tantisper Mavortis curas, Cereri dedicatis manipulis,
cùm & ipse Titan, beneficia terris profusus, fronte
exporrecta dispenset radios telluris nutrimenta. Di-
videbantur dapes dum interim magnas cogitationes,
cum Orbe BOKUMIUS divideret, nec alia mensa ar-
risit palato, nisi, quam mundi mappa adornaret.
Adaman-

Adamantino foederis nexu, colligaverat Cérerem cum Bellona ; ad frugaliore cornucopias, infestum bellis arietem, adusquè polum relegando. Hæc prælibare duntaxat licuit, in laudes Vestras effuso calamo ; quod si de flumine oratorio guttam instillamus, Cor affundimus de exundantis animi præcordiis.

Linea
Mater-
na Illu-
strissimi
Præsu-
lis Sce-
ptris af-
fuit.

Jam lineâ Maternâ (qui Illustrissimo subscribat Nomini Tuo) ad amussim examinari exambit stylus. Illos jam adoro Penates, quos, tot ingentia incolunt terrarum Numina, quot ultra homines assurgentia **BRANICIORUM** Nomina. Licèt verò, ad superos promoveantur virtutibus, & colantur ut Dii, non exunt tamen humanitatem. Omnes proindè hujus Prosapix homines, sed illi, quales perquàm difficilè repererit Diogenes, in conferta hominum multitudine. Honorii, Scipiones, Numæ, Catones in Sago, Duces in toga, Patres Patriæ. Arbor consanguinitatis Vestræ, ceu Xerxis platanus, gemmat margaritis, Mitris Principum, ac Regum coronis distinguentibus, folia in Laureas, in mille trophæa protendit ramos, semperquè renata Nobilitate viret. Haud aliter propagatam adeò Familiam Vestram computare liceat, quàm per multiplicatos honorum splendores maximos, per congestos subselliorum fascès, ceu per radios Solem, Illustrissimæ Matris Tux linea, Sceptris **JOANNIS** tertii Poloniarum Regis parallela ! Vestrum Sanguinè Serenissimi inter venas recondunt, & purpuras colorant. Domus hæc, Solis Regia est, Serenissimorum Zodiacus Principum, & perennis statio. Reflectuntur in Vos de coronato **SOBIESCII** clypeo, mille radii ; Vestras, Poloniarum Soles, accendunt Ceras ; Avitos splendores, Orbis Sarmatici nutrit Serenitas, quam ut protractam mægis, diu noctuquè, ad meridiem honorum proveheretis, Gryphibus
Maternis

Maternis demandatæ vigiliæ, ne solus pro Castore Pollux, non minùs post fata superstitis Vatum ingeniis, ac immortalis ævi militaret gloriæ. Diem proindè perpetuum, Regnorum Soles, Vobis procreant; Vos conservatis, ad publicæ felicitatis Curas, ad exantlatos pro Patria labores, ad magni momentinegotia, ad res maximas. Amat *Apricum* istud, *Poloniæ Aquila*, huc bonis avibus Illustrissimus Honor involat; nidum dignitatum positurus Celsissimum, fascibus inter fascias involutus, & in prima pene infantia, reptat per Scuta Coronata.

Quantùm porro, ex Illustrissimo *Lubomirsciorum Srzeniava*, exundet Gloriæ? Te ipso metire Antistitum maxime. Tenet altum, in hoc Erydano Tuum Saxum, ad prodigium Universi, & in Solis Colossum degenerat, illucq; Tuus procurrat splendor, quò sol ab axe protendit radios; quò se evolvit *Srzeniava*, tot Regnorum tractibus, terrarum ultra limites, Gaditana ultra procurrens Herculis littora. Tantus es! Præsulum Supreme, ut terris circumscribi nequeas. Illud etenim quod, terraqueum globum coronat elementum, in Tuas Ceras influit, quas attollat. Despumet proinde, ceu *Hersoneffus* arenas aureas, quibus fortunatiora fluant secula; Talem, Avitum probat Saxum, ceu *Lydiæ* attactu. Hoc itaq; Lapide pretioso, sua sceptræ, undarum Regnatricis Lympha; hòc, Tridentem distinguit *Neptunus*, hòc Princeps *Lubomirscia* Prolapia, Lapide etiamnum, annulo Procancellarii inserto, subarrhat *Srzeniavæ* Adriaticum, ad publicæ tranquillitatis malaciam. Non una prædivite manu, eâquè Nobilissima, Illustrissimæ vitæ hausisti alimentum; totam immenso pectore, recondis *Piscariam*, unde publicæ arridentes felicitati exoriantur Soles, ad Mitras Tiarasquè pro-

F

manent

manent gemmæ. Ludit in hoc Erythrazo, non Cæsaris duntaxat fortuna, verum, totius Sarmatiz oneraria, soli gravis livori; pretiosis onusta mercibus, securam navigat libertatis Argo; sive quod inter conjuratas, Decumani fluctus procellas, Vos ad Clavum Palinuros respiciat; sive latrantis fauces Scyllæ & Charybdis, hiantesque obturet fauces Saxo, & citra naufragii resarcienda damna, ad arcticum axem compulsa, acu magnetica. Prodigium est! quod soles exteros, juxta admiratione attonitos, atque Zodiacus affixum Eclipticæ Titanem teneat. In amplissimi Sinarum Imperii sinu, lapidem legimus educari, lacus unius litoribus circumseptum; naturæ limites prætergressum. Quoties ille, undarum visceribus absorbetur, purpureo toties lacus integer suffunditur colore, veluti, se tangi ictu lapidis intelligeret, pulchrum superinduit ruborem, ad verbera. Rubet virtutis colore, Murice purpuratus *Lubomirsciorum* Rubicon, BOKUMIORUM inserto Lapide, & quæ latè per totam diffunditur Poloniam, purpureo sanguinis nexu, trahit secum profapiam BOKUMIORUM colligatam. Sed quid ego, exiguam mari cymbam commiserò? stylo humili, altum metiar? hauriam pugillo immensum? quidquid Gradivus invictum, Mitre Celsissimum, fasces Senatorii Illustre, familiæ pervetustum; quidquid denique, profanz adorant Curiz, sacre venerantur Aræ; id totum ceu in polygono Color, radius in sole, in Oceano torrens, in Illustrissimo *Srzeniarua* & unà Illustrissimo BOKUMIORUM Saxo, relucet, inest, & redundat. Hic Rubicone, Vellus aureum Jafones imbuunt; hic laureæ humectantur; Hunc laticlaviam sitiunt, bibunt trabes. Pulchras tamen triumphum maculas, hostium tabo inustas non diluit; ardet Gradivo, ebullit Patriæ amore, ad intima Vestra,

stra advectus præcordia. Assurgunt summis tantum
culminibus assuetæ Celsissimæ POTOCCIORUM
Cruces, Tiaræ affines, intimæ pectori Tuo, San-
ctitatis Tux insignia. Evehis illas, ultra Culmen-
sis Mitræ fastigium, virtute celsissima, & solenniorem
exaltationis adornas pompam, in Tui inauguratione.
Meciniorum Rosæ, ultra muricem, Martyrio sanguine
rubricatæ, purpuream distinguunt chlamydem, & Ca-
put Præfuleum coronant. Eminentissima *Maciejo-
viorum* Nomina adstipulantur sua magnitudine ho-
noris culmini; Sago, Togaquæ conspicui, Illustrissi-
mi *Kurduvanovii*, *Wapovii*, *Olesniccii*, *Czerminii*, to-
tumquæ Roxolani Leonis robur, Atlanteis lacertis Su-
is, Cælo affine, succollant fastigium. Quodsi, Cel-
sissimorum Ducum in Ostrog, Mitras, Tuis involutas
trabeis evolvamus? quantus Celsitudinis assurgeret apex?
Jam KOSTKARUM Solea, olim in Palatino Sando-
miriensi, propè solia Regum, Throno minora cal-
cans subsellia, nuper ad apotheosis inaugurationem
STANISLAI, Solis prætergressa viam, tritum aperit
iter ad impervia cæteris Culmina. Inter ardentia
Sarmatiæ vota, Superis Cælites ignibus Tuas ac-
cendunt Ceras, id est Illustrissimo suffragantur hono-
ri. Talis tantusquæ es Præsul Maxime, ut cum Sum-
ma omnia in terris excesseris subsellia, ad superos
iplos, Sacram promoveas dignitatem, non humili
meritorum culmine. Infra privatam etiam felicitatem
Tuam videbatur esse, ut publicâ quantumvis fortunâ,
prostrati calamitatem populi sublevares, nisi Cælum
quoquæ ipsum, nova beatitudine adimpleas, imò
sanctum magis efficias. Hinc est quod tantâ, Cæli-
litum affinitate sublimatus, ceu Numen quoddam
colaris; non minore cultu dignior, in Senatu, quàm
in Templo. Ubiq; scilicet, habent summi, quan-
tumvis

rumvis Proceres, & Magnates, cur se Tibi acclinare debeant, euectam nempè propriam dignitatem, Tuâ minorem eminentiâ. Id verò, quod pace Tua loquimur, non superementienti Oratorum dictioni, sed Tuæ supereminentiæ; non adumbranti atræ sepiæ, sed Patritiæ claritati, & fulgori; non fucatis penicilli coloribus, sed bene animatæ virtuti, & mori ignaris imputa meritis. Tantò, nos remotiores ab Oratorio fuko, quantò Tu Antistes, ab ostentatione longior sublimior. Quid enim, solidiore Saxo, tenaciùs hærenti virtuti, emarcidos inspergamus flores? sequimur tantùm ductu panegyris, in infinitum abeuntia merita, non assequimur; metimurquè in tabella Geometris non absimiles, in longius ævum provectas Virtutes; quarum amussis æquior est rectefactorum ratio. Hebetat mägis, quàm acuit ingenia Tuus Lapis, trahitquè elogia ad suæ virtutis centrum, in quod innato propendet nisu, non attollitur, desudantibus licèt calamis; nec aliò, fabrica panegyris solidari exambit, præterquam illò, cui inconcussa insistent merita, alto publicæ felicitatis fundamento.

Videbamus, paulò remotiùs à Te recessisse, dum per Tuorū Heroū acies, per Purpuratorum Senatum, per amplissimum, Colligatæ Domûs Regnum, pererraremus blandiùs, imò ipsum etiam adiremus Empyreum. Ubiquè videlicet, sollicitas Tui investigandi curas, non obviæ virtutis vestigiis (quibus ipsa insisteret Pietas, procederet Honor) impressimus. Orbem Sarmatiæ, Imperiique confecimus; sed instar circini, Tui honoris puncto hærentes firmissimè. Reflectebamus per Sceptra Serenissimorum, Mitras Principum, Clavas Ducales, diffusos radios, ad Te sidus maximum. Jam tandem, properantia vela intendere liceat, ad litus saxæum, ad fortunatas Insulas, ad spei optimæ pro-

promontorium. Subsistimus proinde, in primo;
Nobilioris Vitæ Tuæ limine, ubi Tu veluti solis
Regiâ, alter Phœbus positus, primam hausisti lucem,
qua orbi illuxeris, novo luminis tanti incremento.
Prælibavit Te Polona Ales oculis, adhuc in via la-
tente sidus illustre; ex prima vitæ aurora, solem al-
terum inferebat. Gestavit blandum onus Fortuna
suis manibus, fascias innodans fascibus, protunc etiam
devinctissima; ne videlicet Tibi soli nasci, & non
publicæ felicitati oriri credereris. Quot jam maxi-
ma, de Te disceptantia distraxisti auguria? Falle-
bas tamen, futurorum non bene præлага omina, Te
magnum fore pollicentia, cum adhuc fusus cuna-
bulis, in eam processeris magnitudinem, quâ major
assurrexit nemo. Ita videlicet, primis lineamentis,
Te distinxit natura, ut plures, easq; nobiliores,
complectereris formas, innumeras virtutes præferres
animo. Et jam facile quisquam assequi potuerat,
quò tandem Præcursor maturante adnitereris vesti-
gio. Quoties certatum de Te acrius! Jure here-
ditario, Ducum ab Alten, Te suis vindicare armis
Gradivus; texere ante prætextam laureas, immatu-
ro quamvis Vertici; parmas, galeas, clypeosq; ex-
coquere Vulcanus; acinacem manui infantis aptare
Orion, Sagum fasciis prævertere; veluti primis vi-
tæ lineamentis, grandis supercilii minæ, pulchrior ira
fronte, toto pectore Mars legeretur. Risisti vagitu
infantili spes Bellonæ immaturas, chalybem molli con-
fringens pulvillo; quin, ipsis etiam ubertim caden-
tibus lacrymis, (quibus pars bona vocis inest) pero-
rare auditus es. Non alius (inquebas) ardor, me-
um aduret animum, nisi qui Ceras Majorum, San-
ctioribus superaccendat altaribus; ipse pro Vesta,
Flamen flammæ enutriam; recrudescentis Martis
vindi-

Infantia
Illustris
sima ho-
norum
prælu-
dium.

vindiciis, focos ceteri foveant, fumosas adornent imagines; mihi Ara, chara est. Talibus promanata lachrimis gaudia, gestiente animo, cum tenere non posset Religio, Superis, in vocaliores Joanne toto ivit gratias. Jam palatium, in Universalis quoddam Sanctitatis Pantheon, & virtutum Domicilium initiare, dedicare cunabula in Aras sacrationes ubi institit, Infantia Joannis, virtutis propemodum vultum induit: Delphica modestiae cortina, velavit oculos verecundos, ne profano etiam intuitu laederentur. Diviniores facie resederunt Gratiae, lux quaedam inusitata, sole vel ipso major, exporrectae serenavit frontis Supercilium, totius denique tenelli Corporis habitus, tali se composuit Ornatu, quali virtus paludata Sirmate incederet. Hinc ultro citroque se manibus porrigebat scipio, qui necdum assuetos insistere pedes fulciret innocuos. Anhelos ore Caput ambiebat Infula, priusquam tempora coronaret; annulus digitum, augustae Sanctitatis pectus, Crux Pontificia vendicabat. Solam tantummodo vitae maturioris aetatem, vitta praestolabatur.

Igitur prius mentem, prognata Divino vertice Minerva; levior calamus, dexteram; gemmeum animi candorem, niveus paginae nitor, evicit sub hastam Palladis. Victas proinde manus, non citra libertatem dedisti Minervae, ut liberius Campo Tullii colligeres laureas, colligaresque. Exacuisti in primo Lycæi vestibulo ingenii acumen Lapidem, ut, perquam strenue literaria in arena decertares cum omnibus; & cunctos vinceret Palaestritas. Nemo usquam solidiore passu incescit, à primo limine literario, quia Tibi sola mens sagacissima, eò usque suffragari visa, ut, in intimum reconditoris scientiae augustae penetrares, quod vix à longè ceteri venerarentur. Ita Tu,
ccu

ceu Lydio lapide, Saxo patritio auream probasti mentem, ut unâ omnem lapidares ignorantiam. Illos duntaxat fixisti pedes in Lapide, qui Te in Parnassium collem deducerent. Mentis honestæ face, prælucebas illi, quam pridem, edax rerum tempus consumpserat, Cleanthis lucernæ, non minùs, evibrante scintillas Saxo, quàm radiantis serenitate ingenii, perquàm abundè dispendiis consulturus. Impallueras voluminibus, antequam ruberes purpurâ. Prehensurus aliquando Pedum Pontificium, manibus pedibusquè contenderas in eruditorum atria; sed Apollinis testudinem longiùs post Te reliqueras, progressu celeriore. Aurei certè prodigus temporis, omnia liberaliùs impendisti horarum quantumvis minutissima fragmenta, ad integritatem literarum; pretiosis dierum momentis erogatis, Palladis sub hasta prostantem mercando sapientiam, quam, semel terris, gemmea fuderunt tempora. Non aliud porro, colludenti ingenio Tuo, theatrum debebatur. præterquam, perpetua Comitiorum sedes, Capitolium consiliorum; ut in illa, digladiantis ingenii arena, tota spectante Sarmatiâ, imò, Orbe universo, ad spectaculum confluente; pulchrè contenderes de laurea, Tiaris præludente. Suffragabantur, tantis adorearum congiariis, ad quævis ardua superanda, facile ingenium, continuo immoriens labori vivida indoles, qualia Jovem decuissent, dum Minervam pretiosum Cæli partum, terris eniteretur. Caput Tibi vastissimum; quod Apollo cum Musis incoleret; pectus Palladis Ægide obarmatum. Jamquæ in illo Poloniæ meditullio, eo ante prætextam processeras, instructus Tullio, eo Scientiarum adornatus habitu, qui Togatos Catones decoraret; adornaret plurimùm Patres Patriæ purpuratos. Docuisti orbem,

Studia
literarū
Illustris-
simi An-
tistitis
acerri-
ma.

hem, cùm disceres, pōsse ad liberi Regni viscera, absolutum Sapientię dominium admitti, postquam admiseris. Humili olim tugurio, & inter rupium cavernas, Musas habitantes, maxima humanitate, ceu Pyrrhus ad gemmam, ad Tui Lapidis Orbem invitāsti, per Campos Tullii oberrantem, pari humanitatis officio convocāsti eloquentiam, ad Tui animi augustal. Hinc severiores scientię, apud Te mansuescere, in tripodem abire rostra credebantur, Joanne, citra Delphicam cortinam, ad solem publicum fundente mysteria, & oracula. Et licet Joannis, atquē Jovis Satellite Aquila, procul relegaveris Periclis fulmina, solū tamen reservāsti acumen, quō, in aliis torporem expungeres; adderes calcar glorię. Ita rimabaris profundiores Euryppi vortices alto ingenio, ut docta jeceris jurgia, plusne Scientiarum hauseris? an illę Tui? Consensere in hoc, divisę in se scientię; ut Tu aggregatum quoddam, pluribus coalitum scientiis, ac universale quoddam subjectum, prædicareris singulariūs; primis exedris proponeris thesis Oratoria. Dulciūs, ad Tuos plausus, aures mulcebat Aristotelici organi concentus; saliebant in verticem laurę; soli Stoici subsidebant, Te exedris assurgente. Totā, in illa Academo laurcarum Sylva, Porphyrii arbore eminebas, docta præmia frontium ad plantas adrepentia, citra ambitionis fastum, calcabas passu non humili. Ad solem tandem Aquinaticum eluctatus, post Academi umbras, tot illustribus circumventus cogitationibus, quot soli coherent radii. Ardebas equidem plurimam perdiscendi orexim, Theologico sedare mari, sed vastiorem mentem haud implere poteras, postquā semel, induxeris in animum, Abyssum. Restabat Tyberis, post exhaustos in Polonia

lonia latices, post superatum vertice Carpathum;
ultra Alpes, montes Tarpeii, supparem mentem
Tuam invitabant. Et placuit, ardentiore Cælo,
reaccendere animum, Polonum, Romano, com-
mensurare Caput, Capitolio. Demisit aliquantum,
de alto Supercilio Roma, omnia ad suæ magnitudi-
nis molem decrescere rata, quidquid est minus Cæ-
lo, ubi ad Tuum Caput reflexerit oculos. Hinc, <sup>Illustris-
simus An-
tistes</sup>
eâdem laureâ quâ Romanum redimiri assuevit, Tu-
um præcinxit Caput; ceu idem foret Tibi ingenium, <sup>Laurea
Docto-
rali Ro-
mæ co-
ronatur</sup>
cum Orbis Capite. Quod jam reconditius Te fugeret
mysterium? quod referare nequiveris? cui claves
PETRI ad manus, ad Capitolium præsto Caput es-
set sagacissimum. Nihil proinde, Orbis Capiti
decerpsisti, præter lauream, quam quia Imperiorum
triumphatrix Roma, Tuo imposuit Vertici, mentis
Tuæ gloriosior triumphus est, pulchrior laurus in-
cruenta.

Vavellus, Te Quirinali Colle, reducem susce-
pit, futuri prælagus fastigii; quô, assurgit altius,
jugum triumphanti se subjecit plantæ, ut jam o-
stentaret Poloniæ Tuam Eminentiam. Non enim,
assuetus sublimibus, quid humile, vel primo limine
calcare potuisti. Huc enim post Vaticani diadema
Capitis, ad trinam, ultra Romånas laureas, coro-
nam invitatus, Canonicus Cracoviensis, in Collegio
Antistitum, Tuis quoquæ Infulis præludente, pro-
crearis; veluti Infulati Honoris cunabula, primam
Tuarum dignitatum infantiam, suo gremio comple-
terentur. Poteras quidem, tunc etiam, præcelso
Vertice, Sublimiores attrectare Tiaras; è vestigio ad
Culmen infulati honoris eniti poteras; lentè tamen,
hoc est ad gravitatem gressu composito, ad majora
Subsellia properasti, ut constaret Universo, quan-

to meritorum pondere onustus incederes. Quæ
tamen Adalberti sub rosa ut latitarent, Gnesnensis
unà Canonicus, Officialisque Varſaviensis; Proles
Polonæ Aquilæ Gnesnensi hæſiſti nido; ad Regum
Solia, Sole publico dignior. Minora hæc ad Tuo-
rum comparisonem meritorum ſubſellia, ceu gi-
ganteos humeros ſortita, Tecum grandefcere vide-
bantur. Nullus ſcilicet in Te Honor pumilio, cui
ad Culmen virtus eveſta ſuffragatur. Minores digni-
tates acceptabas, dum maximas merereris. Talem
Te Protonotarii Apoſtolici notavit penna, quam, in
Te honori involanti, ſubtraxiſti; ne Tuo Nomini
ſubſcriberet lectiſſimo. Strinxiſti Protonotarius ca-
lamum, ut publicam proſcriberes calamitatem, auro
cedroque digniores inſculpens characteres; ſancita
luce publica digniſſima, quæ atra adumbraret ſepia.
Dignoscebaris ex manu ad Scipionem aptiſſima; nos
ex digito metiebamur gigantem, cui orbis Præ-
fulcus cum gemma Regni inſideret. Huc niveus
nitor paginæ, album adjecit calculum, ut aureis cha-
racteribus concinnaretur, orbis Capitis judicio diplo-
ma, virtutibus Tuis exaratum. Tu verò innatæ
ſtylo modetiæ, ceu gnomone inſperſiſti umbras,
ne in momenta properè maturantes horas illuſtriſſi-
mas legeremus. Plurimi proinde abibant dies, ci-
tra honoris Inſulati meridiem; celeriùs ſe noſtris ocu-
lis ſubducebant ſoles, ut non repudiando diem ſplen-
dore ingeminares.

Enituiſti tandem funeſtiſſimas Poloniæ inter
umbras, ſidus maximum, cùm noſtro trioni Sere-
niſſimus Sol occidiſſet. In Tua duntaxat fronte
(ad quam planctibus fædata Sarmatiæ pupilla pro-
ſpectans, à lachrimis ſibi temperaret) JOANNIS
III, vitam, fatorum inclementiâ deletam legebamus.
Suppli-

Supplicatum Tibi, ut mortem Univerſo Orbi graviſſimam, Tu quoque etſi ferres ægerrimè, omnium conſenſu portares tamen glorioſè. Ibas melior Fabricius, aut Cyneas, jam non pro domo ſed pro tumulo regio Orator, Os protunc gementis Gentis Poloniæ, Civium doloris acerbiffimi Interpres, lachrimantis Populi Pupilla, Cor Regni, fatali ictu faucium. Ibas inquam Præcurſor, Legatus Romam, aſſuſurus Tyberi lachrimas, quas littoribus cohibere haud valens Viſtula, in latè diffuſos campos Poloniæ protruſerat. Apprehendit Orbis Caput doloris vehementiam, quam ex lugubri Tua facie luculentiùs colligebat, etſi necdum faucio protrufam pectore, triſtè clamantis Vocem perciperet. Peroraſti gemitibus, qui ipſum Tarpeium montem, quodam doloris ſenſu tetigiffent. Stetit ut Niobe, rupes Petri attonita, ad dimotum vitæ cardine SOBIESCIUM, ad Antemuralis Chriſtianitatis ditutum Columen, emollita lachrimis, pene cecidit. Adeò occaſum Sereniſſimi, remotiſſimis ſubjectaſti oculis, ut nemo eſſet, qui Orbis jacturam non videret, nemo videre poſſet, ubertim exundantibus lachrimis, pupilla naufragante. Tantum pondus Orationis graviſſimæ inieciſti, ut colles Quirinales gelido dimanarent ſudore, tota in anhelitus graviſſimos diffunderet Italia. Vix etenim tantum fatorum piaculum, crimenque læſæ Majeſtatis, Petri clavibus ſubjeceris, & proprium cordis laceri auguſtal reſeraveris, ex nunc remiſſiùs ſavire dolor ſentiebatur exdiviſus. Sed omni ſerenitatis fronte, ſe Orbis Caput exiit, Sole Poloniarum occidente. Non ita tamen prægravi mole luctuum Romam fatigâſti, ut levamen non adferres. Colligebat Italia corruptum lachrimis vultum, ex Tuo ſupercilio. Tu verò cum imprefſiſti

Legatus Romanus ad Imperatorem Principesque Christianos expeditur

pressisti Pontificio animo sensum , ut pro justis JO-
ANNI III. solenniore pompa adornatis, justa refer-
res præmia. Referendarius idcirco utriusquè Si-
gnaturæ, Justitiæ & Gratiæ promulgatus, pulchro
Themidem cum Gratiis nexu devinciens, ut, si quæ
Apostolicæ Sedis Gratiâ, Tibi litarentur munia, ex
Justitia deberentur. Promovisti longius ultra Ty-
berina littora lachrimas ad Danubium, & Adriati-
cum, eodem stylo lugubri, Imperatorem Principem-
què Venetiæ, Sabaudia, Florentiæ, Parmæ, Me-
denæ, Mantuæ Duces confixisti, postquam FULMEN
ORIENTIS abiisse in cineres ; SALVATOREM
VIENNÆ haud in salvo esse ; Imperii defensorem
deletum, Christianarum Imperatorem Copiarum,
fatorum paruisse imperio, vixisse demum SOBIE-
SCIUM, cui hostem vidisse & vicisse idem erat, con-
cisa deplorares periodo. Ad dolentis itaque Im-
perii habitum, biceps Aquila, in elegiam voces o-
loris e mentita est, Lessio flebili decantatura Regis
funera, torsitq; in circumjacentes Imperio Regiones
fulmina, quibus sternerentur universi, cadente Re-
ge. Tantum valuisti in animos, præfidiis eloquen-
tiæ instructissimus, quod Mars ipse, armis non au-
deret. Crescebat, Te Oratore gemituum amplitu-
do, lacerabantur incisæ Corda, lumenquè ipsum O-
rationis, funestioris umbræ lqualorem accendebat.
Animasti nihiloscius in Tui elogia, tot ora Prin-
cipum, ivère post Te in Sarmatiam Cæsarum Prin-
cipumquè encomia, cum enim Regem laudaveris,
Te Cæsares laudabant & Principes, Oratorem digni-
orem, qui immortalitatem Regum, non funera nun-
ciaret. Roma verò ubi primo licuisset, pullum
deposuisse habitum, togatæ facundiæ Purpuras ador-
nabat, statuitquè Piscatorii annuli gemmâ, ita digi-
tum

tum Tuum, qui decursum viæ Regiæ demonstraverat, coronare, ut unâ os facundissimum obsignaret, ne Muricem excusares.

Talia de Te Orbis Judicia, Tales tot Gentium consensus unanimes. Verùm Tu arcani elogi Tui tenacior, quæ de Te in Vaticano formabantur Oracula, ne Orbi revelares, Secretarii munus eo animo admisisti, ut securiùs, tanquam velo Delphico circumcinctus, lateres pretiosus. Sed quemadmodum densissima quantumvis nubes, radium non subtrahit Titani, clariùsque fulget opacis noctibus adamas obvolutus; & splendidi augustalium parietes superinduti Sipario, nitorem non exuunt; conchilio sepulta spirat non vile pretium gemma; disertius post cortinam fundit Apollo oracula; ita nec Te occultare patiebantur modestiæ velamina, quin investigante Honore, in lucem publicam producereris. Cæterùm ut ne ipsi quidem Dignitati, violentius in Te involare fas esset, indultum tantisper excessui modestiæ; ad intimum proinde Regii pectoris augustal admissus es, Cor Regium subintrasti. Sed hîc quoque prodidit Te magnum Regni Ministrum, Regum Serenitas, ut Polo nostro radiares Sidus Purpureum. Annuere votis nostris Superi, ut Tua præ eminentiâ coronarentur merita, ut Clementinis Montibus, & Celsissima Virtute Tua, admovereris ad Mitras, in majus fastigium evehendas Tuo Vertice. Quid enim Summus Pontifex, Cælo affinibus Collibus, operosius attolleret, quàm Lapidem! qui magneti non absimilis, ubi te totum ad Sidus Clementinum reflexisset, traxit quoque radium, ad Illustrissimi Nominis incrementum. Magnum omnino jubileum, Româ indulgeri nobis plaudebamus, Tui ad Infulas indulgentiâ, Inter annos

Gratia illum quoque referebamus annum, quô JO-
 ANNE Antistite Mitrae initiatae, beârunt Russiam.
 Peccâsti Antistes innocentissime, tantisper pura in-
 fulati Honoris omissione; Igitur ad Sacra supplicia
 pectus, ad aureos torques Collum, manus ad rotam
 annuli, ad trabeas lacertos impertiisti. Totus pur-
 pureo suffunditor rubore, ob contemptam aliquam-
 diu à Te dignitatem. Favit AUGUSTUS secun-
 dus fortunae nostrae, & publicae felicitati, dum
 Themidis, suisque Ensis decideret pro Vittâ Præ-
 fulea, emerito Vertici Tuo innectenda. Leo Russiae
 fregit tandem Tuam modestiam; ultra Carpathum
 Premislienses surrexere Colles; ad Olympos eve-
 cta Mitra, Tuo promota Vertice. Tu porro, cum
 Premisliensi Insula, grandes cogitationes in corona-
 tum Caput admisisti, qualiter submoveres Tiaræ Ver-
 ticem, referresque gratias; non ideo acceptâsti tamen
 Insulas, quod acceperis. Sed interdixit Roma Vo-
 ci Tuae, honorem deprecanti. Ergo victas, de-
 disse manus fascibus coactus, JOANNES in vinculis;
 aureus Praeful, honoris obligati grande monile, Ce-
 dat aliis dignitas haud in vile pretium ambitionis,
 aut publici quaestus mercedem, iis videlicet, qui sui
 demissione ad Aulæ obsequia, mercantur Culmina,
 popularem captantes auram, lenibus favoniis com-
 mittunt vela, parent ut aliquando imperent, prius
 ad omnem nutum Magnatum se effingunt, quam
 suis annuatur intentis, verbo inserviunt tempori, ut
 vel ad diem dominantur. Tu Antistes Illustrissime,
 omnium consensu votorum exoratus, diu longèquè
 quaestus ab honore, illas etiam ambitionis eliminâsti
 umbras, quas vel appingere posset Apellis penicillus.
 Non enim aureo hamo reluctantes piscaris, trahis-
 què honores, sed traheris Clementis Stellâ, magnos
 animos

Post
 plurima
 Dignita-
 tum
 Subiellia
 ad Insulâ
 Premi-
 slien-
 evecus

animorum elevaris, Tui pretio ad Mitras, gemma
Præfulum. Pulchrum hoc moderationis Tux elo-
gium! quod prodroma virtutē nec non splendido
meritorum comitatu præmisso, exquisiveris dignita-
tem, omnibus ad prodigium, plurimis ad imitatio-
nem, vita compositissima adornaturus Vittam Præsu-
leam. Plura tamen supererant merita, quàm quæ
Infula posset coronare, unde una dignitas, non
humilem gradum, seipsâ alteri adornabat. Quin
etiam contra innumeras virtutis meritorumq;
phalanges, dimicaturus non absimilis honor in
meta stitit Procancellarii annulum, ad quem ha-
stiludiis præluderet Fortuna, Tu triumphares.
Grande hoc Tux Gloriæ theatrum est! Sphæra Or-
bis Lechici, in annulum concentrata, Tuis se
ultro ingerit manibus, quam Tu novi accessione
splendoris, illustrius serenas, dum Tuis Regniq;
Ceris admoves. Provisum amplissimè publicæ fe-
licitati; si etenim conjurati venient in classica venti,
Reipublicæ nostræ non satis conjunctè animorum
compagibus, coherentem onerariam obviis allisuri
scopulis; Tu melior Neptunus, gratiarum Tridente,
tumultuantes compesces fluctus; navalia Clamantis
Voce dirimes prælia, ac more Veneto, subarrhabis
annulo mare, & reddes pacificum. Metire jam pu-
blicæ fortunæ commensurata Tuam magnitudinem,
Antistes maxime, quæ in tantam excessit molem,
ut ægrè vel Orbe circumscribi potuerit. Hic tamen
si in porrectam meritorum planitiem se evolvat, Pro-
cancellarii Sphæræ annuli, vix eadem in puncto attinget;
aut certè continuum meritorum Tuorum, maxi-
ma quantumvis dignitas punctum honoris est, non
fastigium. Quod si Aurea virtutis Tux regulâ ho-
norem computabimus? constabit evidentiùs demon-
stratum

stratum, plus meritorum Te expendisse Honori, quàm
percepisse stipendiariæ dignitatis. Illæ ipsæ Rega-
les Aquilæ, quas Ceris imprimis, ad Solem publi-
cum eluctantur, quòd Tuæ adhæreant manui ;
hinc Te in Curulibus sedente, surgit seipsâ major Di-
gnitas, amplissimi vix se capere possunt Tituli, angu-
sti Tibi. In eam etenim provectus es sublimitatem,
ut, si majores etiam in Tuum Caput prosilientes In-
fulas non omnino respuas, inflectere tamen demis-
sius debeas Verticem.

Non humile proindè adornat Eucharisticum ;
etiamnum in præsens à Te non repudiata dignitas,
quòd videlicet Summis quibusve Mitris, Celsiorem
Frontem, Culmensi Infulæ submiseris. Culmen e-
quidem Infulati Honoris ethymo Culmenses jactant
Tiaræ ; hic tamen quantuscunque honoris apex, Tuo
Saxo cellisimo minor. Summus semper fueras, &
solo Te magnus, priusquam Culmensis audires An-
tistes, ideò tamen, Tê minorem admittis Infulam,
ut re tandem impleat Culmensis dignitas Nomen
illud, quo abblandiente sibi Culminis vocabulo glo-
riatur. Altum scilicet es honoris fortunati, & for-
tunæ honoratæ fundamentum, præcellsum Culmen
Culminis. Invenit tamen moderatio Tua, vel in
Summo honoris fastigio præaltam humilitatis gra-
dum ; nimirum transcendis sublimi passu pedum
Pontificium, teris affusum plantis Culminis apicem,
ut cùm, Summo positus culmine minor esse nequi-
veris, ex humiliore saltem clivo videreris. Sed
non detrahit evectæ solis magnitudini, in axe me-
dio Zodiaci fixior statio : nec ideo suis orbibus lo-
cata de immensa mole amittunt majora sidera, quòd
se sublimiùs radio visuali subduxerint, & exigua cer-
nantur. Supremus aliis apex primaquè dignitas,
secun-

Tan-
dem
Culmē
sis Anti-
stes re-
nuntia-
tur,

secunda Tibi, nobis faustissima. Nimirum secunda
Te inter Antistites Infula: Secunda inter Senatores
Poloniæ recenset Purpura, & adhuc supersunt me-
rita, quæ grandibus meritis Tuis lucem ferunt.
Hæret tenaciùs Clementinis Montibus Saxum Tu-
um, imponitur ceu Lapis Angularis Culmensis Basili-
cæ fundamento, totius amplissimæ Diæcesis altari-
bus sese impertit, & universis templorum Aris ad
Tui inaugurationem, non sinè festiviore pompa,
Sacerrimus Honor Tuus adornatur. Quæ porro in
gestiente tripudiis populo, tot suspiriis votisque
communibus expetita, Tui in Episcopum Culmen-
sem inauguratio exciverit gaudia? collige ex omni-
um fronte exporrecta, non dissentiente vultu ab a-
nimo. Parem Tiberii Cæsaris fortunæ gratulatur
sibi sortem Summus Coronarum Mitrarumque apex
Crux Illustrissimi Culmensis Capituli, pretiosissimum
Te Præsulem hodie præmunens, ac plurima signans
uno in Lapide Cimelia, & unà meliore Lapillo no-
tat Te Præsulem aureum. Tu verò grandioribus
meritis eminentior, ultra culmina tantùm non Cælo,
Tuo Vertice Illustrissimam Crucem inferis, Te totum vir-
tutū Pantheon in augustal, pectus innocuum in Aram di-
gniore in initias sacrasquæ. Applaudit quoq; non humili
fortunæ suæ Culmensis Palatinatus, credit enim in gen-
tilitium suum Campum Te Præsule Præstium Floræ Pro-
vinciam, pensilesque Semiramidis hortos immigrâs-
se. Talem Tu purpureo calcaneo efficis, ditasquæ
messe aureâ. Non abhinc fessos ducet boves agri-
cola, vertetquæ terras vomere, priùs scissurus ter-
ram, quàm panem; sed prædivitem excolet cam-
pum Fortuna campi Domina. Tu verò Præsul flo-
rentissime, quidquid ex Diæcesi Tua floris prove-
nerit, totum in decus temporum, totum in ador-
nanda

Eo die
quo Bel-
gradū
archiū
a Cæsa-
rianis
copiis ob-
fidelur
promul-
gatur
Ponti-
fex.

nanda expendes Altaria, Qui sicut ad ornamentum
reflorescis seculorum, ita ad commoda terrarum
vivis. Circumstant adhuc Tuum Lapidem ejusdem
Palatinatus Patritii Campi Arbores, ne sola Hetruria in
Dentrite lapide, nemora Sylvarumquē lucos, ac flo-
rum varietatem, depingat prodigioso naturæ peni-
cillo. In Patmum tota abit Provincia, ubi Tu JO-
ANNES citra desertum licet, non tamen sinē ap-
plaudentis animi voce disertissima, adoraris. Adeo
videlicet lucem publicam exhaustisti, Præsul Illustris-
sime, ut umbram duntaxat, seu Culmini, seu Pala-
tinatūs Arboribus hærentem reliqueris; sub hac festæ
hactenus Provinciæ, imò toti Patriæ quietem conci-
liaturus placidissimam, & unā in Tui panegyres ex-
citatissima Tulli ora sopiturus, qui cum prædicanda
geras renuis prædicari. Verum præludit inauguratio-
ni Tuæ, tota laurearum Sylva, inter millena Gradi-
vi fulmina palmas parturiens, & Christiani exercitūs
frontem, ad Belgradum redimiens. Hac ipsa nimi-
rum luce, qua Othomanica Cynthia, proprio
innatans cruore expalluit in Hungaria; Tu se-
cundâ Purpurâ in Prussia decoratus, ad sexcenta
tormentorū tonitrua, Vocaliūs, Culmenſis An-
tistes personabas; tot interim bellicis pulsabantur ma-
chinis Belgradi mœnia, ne sinē tanta solennitate,
festivæ inaugurationis Tuæ, abiret dies. Immugi-
ebant belli fragores ad captam Orientis belluam;
cum interim Te bellè loquerentur acclamatio-
nes publicæ, animo tripudiante. Te unum,
tersiore facundia Juventus declamare, votis continu-
is expetere viri, ad Te lassata annis Senectus suspira-
re; Omnem deniquē ætatem, in vocaliora desideria
proſulire; tot antè malis fædatum corruptumquē
vultum, in meliorem formam fingere, absterſis la-
chrimis,

chrimis, mœroris antiqui oblivisci, ipsa non sentire
 vulnera. Una vox omnium, **JOANNES CA-**
SIMIRUS BOKUM aurea revehit secula, ævum
 florentissimum, vel a Casimiri liliis; dies fortunati-
 ores, & annos Gratia. Assurget collapsa felicitas,
 & tanto sublimata Honoris Culmine, & perenni Sa-
 xo solidata. Schovæ Te primum (ubi Tu grande
 Coronæ nostræ depositum substitisti) Præsulea digni-
 tas venerata. Ad limites Poloniæ, emeritis lacer-
 tis trabeas, Mitram capiti; pedum ingessit manibus
 supplex in limine Honor. Diu equidem differebas
 desideria nostra, sed diutiùs merita coronanda. Va-
 cabat aliquantum Sedes, sed Tuis meritis non va-
 cabat. O quoties supplicatum Superis! ut maxi-
 mis majorem Infulis frontem, Culmensi Tiaræ sub-
 mitteres; ut amplectereris hanc Provinciam, animo
 & mente, Regni negotiis limatissimâ. Sentiunt
 jam, suo collo propemodum impendens Tuum Sa-
 xum, publica innocentia scandala; pallent ad Pur-
 puram, deterosa fronte, crimina; plurimum præsum-
 ptuosa violatæ fidei, desperat dissensio, Orthodoxa
 Religio, spei melioris figit anchoram. Habent an-
 gularem Lapidem, suis basibus titubantes, altumquæ
 Sepulchrum prospectantes Vertice, Ædes Sacra.
 Quibus verò in Ratem PETRI, conjuratæ procellæ
 allidantur, in Saxo offendunt Scopulos. Illa San-
 ctitatis majestate, Zeli quæ amplitudine implebis
 Templorum penetralia, quibus haud ita pridem a-
 didisti Saxoniam. Unxisti nobiliores Christi Athle-
 tas, & unâ è saxo ad Superos viam duriorē indi-
 casti pollice, tot Cælitæ Tibi habiturus obæratos, quot
 Divorum nominibus homines accumulasti. Cum
 itaque unum Regnum Tuo non sufficiat zelo, Su-
 perabunde Zelus Tuus, transcendet unam Provin-
 ciam

Schovæ
 renun-
 tiatur
 Anti
 fies Cul
 mensis.

In Sa-
 xonia
 Sacra-
 mētum
 Con-
 firma-
 tionis
 imper-
 tit.

Solenni
orem
cultum
Doloro
sæ Vir-
ginis
Mariæ
in Pre-
misli-
ensi Di-
æcesi
promo-
vet.

ciam. Illuc Pontificiam operosè protendis manum,
quò Tridentem Neptunus. Colliges palabundas
oves, unam in Colchidem, cui non potior mens,
disperfa conquirere, quàm tueri inventa. Talem Te
expertus Leo Rusiæ, in Zodiaco honoris. Talem
nos, ad Ursam minorem superevectum pollicemur.
Novimus enim, quantum Reginæ Poloniæ Sceptra
per Rusiam diffuderis! Veluti Pastoralis vigilantia Vellus
aureum; Mater dolentissima filiali JOANNIS soli-
citudini, & tutelæ, iterum demandaretur. Tui pro-
inde pectoris tenerrimo amor; Tuæ Pastoralis curæ;
Tuo irrequieto labori; Tuo deniquè Saxo, debetur
plus ultra promotum dolorum Mare. Vacaret ut
tantisper operosa colonorum manus, pium doloris o-
nus Maria succollante; Dies solennior, de feriarum
labore remitteret; gravi sub vulnere laborante Vir-
gine, Premisliensi Diæcesi imperâsti Antistes; stu-
dio indefesso effecisti, tot clientes Virginis cultui de-
votissimos, quot homines; tot juratos Mariano Ho-
nori Annibales, quotquot Colonia illa Gradivi, alii
heroes. Huc scilicet Premisliensis Antistes industri-
am omnem intenderas, ut lenires acutissimum do-
loris sensum in Maria, in totius Diæcesis præcordia
fese exonerante vulnerum acerbitate. O Tuam in
dolorissimam Matrem pietatem! ita eam, singula-
riori privilegio, accepisti in Tuam, ut omnium face-
res Parentem. Profundiore homagio hæc adora-
tur à pluribus? Tu inclinâsti. Dolores ipsi sunt
cordi devotissimi populi & amantur? Tu com-
mendâsti. Subintrat Magnatum augustalia? Tu
palatia referâsti. Per supplicantium ora volitat?
Tu JOANNES pennam addidisti. Non ita tamen
acutorem doloris sensum Saxo Tuo in populum e-
volvisti, ut illum proprio non exarares animo; præ-
vivisti

ivisti signatæ pietatis exemplo, Pastor ovibus, Tuis
vestigiiis sanctiùs hærentibus; Singularem Dolorissimæ
Virginis cultu præludens publicæ venerationi.

Sic porrò Sacratiores Tecum dividis cruciatus,
ut simul publicam calamitatem arceas à populo.
Praxitelis cælo insculpta Bonæ fortunæ icon, olim
ab Universo Latio adorata, Tuo se intulit Saxo, vel
ideo plantis affusam Lapidis Sphæram exambiens, ut
è vestigio occurrat obviæ egestati. Ad hunc vide-
licet Saxi Scopulum gravibus naufraga lachrimis ino-
pia, allidit infortunia; tantò à Parcibus remotior, quan-
tò Tuis Gratiis propior. Novum hoc! pallidum
auri metallum, in sinu egestatis, gravi necessitatis re-
lo confixæ, ceu Sarcophago recondis, nil magis re-
formidans, quàm ne fulgore auri, ut sol radio, pro-
daris munificus. Scilicet quàm prodigus es in ali-
os, tam parcus laudis propriæ; quas effundis libera-
liùs Gratiis in Lethæi oblivionis præcipitas. Feli-
cem inopiam quæ vel obtutum lucratur Tuum. Tam-
diu inopem egestatem, quamdiu Tuum sub conspe-
ctum non adrepat. Vix enim oculis prælibas alie-
nam calamitatem, sentis ut Tuam; totusq; tange-
ris commiseratione, ut reddas auream, Midas melior.
Illis verò Te liberaliùs impendis, à quibus Numen
ipsum in pignus abit, Diviniores cedunt Gratiæ in-
fænus, preces cariores in debitum. Declamat Gra-
tias Tuas Jaroslaviense Collegium, Tuo utiquè No-
mini se toto devinctissimum; Tux Favonio Gratiæ de-
bet remissos hibernos rigores, Casimiri liliis debet
florentes JOANNES gratias. Verùm Tu, beneficiis
obstrictæ gratitudini minaris JOANNIS catenas, &
vincula; obsignas ora annulo. Paremus itaque Vir-
tuti Tux, & nostræ consulimus tenuitati, plura ete-
nim, à Tua liberali manu conferri nobis, quàm nos

Virtu-
tes Illu-
strissimi
Antisti-
tis.

L

referre

referre posse calamo, est inconfesso. Hoc nimirum Mecænatum elogia exaggerat maximè, quòd omnia superent. Sculpsit Protomartyris Saxo Nomen Tuum, gratiis coronatum, triumphali suo ferro Mathias, & novis fascibus obligatam involvit Asciam, Sortem hic videlicet Tyrocinii Cracoviensis, à Tua manu profectam, grata revolvit mente, & triumphantis causæ suæ laureis, Vittam Præsuleam distinguit. Se toto sibi concolorem, quia Purpuratum Lapidem Tuum Stephanus coronat, grande sui Turæquè Mitræ pretium.

Sed latiùs Virtutum Tuarum pretiosa extendis decora; fugit è vestigio Sacrarum Ædium squalor, ad Tuum ingressum; ad Turæ majestatis Frontem, nobiliorem quoquè vultum induunt Aræ; virtutis simulacris adornantur Altaria, à Tuis Ceris, illustrioribus collucent ignibus. Influis in mores etiam, ne major monumentis nitor refulgeat, quàm animis. Ita detonas, ut sternantur crimina, in spem vitæ Sanctioris fontes erigantur. Non enim tanta indignatio exasperat supercilium, ut prædominantis iræ impetu agitari, impellentisve vindictæ motibus concitari videaris; cum nihil oderis præter vitia. Qua verò magnitudine animi, mentisque vastitate excellas! Majores hæ, quàm ut perplexarum vorticibus causarum absorberi, ingentium mole cogitationum valeant adimpleri. Ad hæc mille Charites, exporrecto vultu resident; Vix Te oculis populi ingeris, exinde omnium subintrās animos. Ad Turæ Frontis serenum in risum quiritantium gemitus abeunt. Non Te intra laquearia ædis Præsuleæ, veluti Vestale aliquod latibulum, Veneratio occulta recondit, aut intra parietum custodias, non proficua cæteris solitudo vallavit

lavit unquam ; non parietibus sed Orbe clauderis ,
Cælo operiris non tecto, vota omnium accipis &
refers ; adiri facilis , comis alloquio , aures tamen à
pedibus excludis , ad quod etiam infimam cadere
sortem prohibes ; labentem erigis. Hinc ita libe-
ralissimi Vultus majestate, calamitatis explēs oculos,
ut mágis mágisque expetaris videri, amari præsens,
absens desiderari.

Ita porro Te Præfulum humanissime, homi-
nibus dividis ; ut Superis dones integrum. Vix e-
nim sopitas quiete curas excitas ; totus præaltis co-
gitationibus, in Cælum raperis. Præis auroram Si-
dus illustrissimum , soli vacaturus Deo. Hinc di-
es singulos , in festos initias ; Omnis feria in diem
Solis abit, quodlibet horarum punctum, tanti apud
Te momenti est , à quo beatior pendeat æternitas.
Horæ singulæ , Horæ Canonicae , Præfuleæ , Divinæ.
Talem curriculum dierum conficis, qui Te ad Po-
los usque evehat , prius Sanctum , quàm Beatum.
Si verò Te Aris admoves ; nullam propius accessisse
Virtutem, si litas Superis ? ipsam sacratiora peragentem
mysteria credimus Pietatem. Dignus es Antistes
pientissime, ut assurgas altaribus, qui tot, Cælo Phi-
diæ digniores virtutes animo insculpseris. Depri-
mit Te subinde ad genua , mentis elevatæ Ora-
tionisque gravissimæ non leve pondus ; sentiunt e-
jusmodi onus marmora, etsi aliquando sudore diffu-
ant, hunc precum intensio eliquat, distillat Divinus
fervor. Diffuderat sese per artuum compages Tuo-
rum, febrium malignitas , Tu interim nullam im-
pertisti Tibi sublevationem , ut indulgentius habe-
reris, nihil de pietatis sensu remittens, intensius pe-
racri dolore saviente. Tot ingravescantis mali acu-
leis, clypeum patientiæ , Virtutemq; objecisti he-
roicam.

roicam. Illuxit solennior introductionis Tuae dies, qui Te quoque, ceu Numen quoddam, in sanctiora limina introduci gestiebat; tum subito pertinacioris morbi incendia, tanto virium dispendio nutrita, ne vestigio quidem relicto, Te, Sacrarum Aedium limen attingente, sunt extincta. Sive quod febris arceri debuerat Templi aditu ob illatam Pontifici violentiam, sive quod tam sacrilegos ausus Ecclesiae azylum non admittat.

Audiit Culmensem Antistitem Roxolanus Leo, & rugitu lamentabili, aerem turbaverat, ut auctius nostra resciremus gaudia. Quantus surrexit apex Honoris Infulati! Tê summis majorem Infulis Tiaræ Culmensi Verticem submittente? Quæ Oris gravitas, quis fulgor promicat oculis? quæ totius Corporis dignitas? Quàm pretiosè argenteus sinu nitor rutilat! Illæ manus ad pedum aptissimæ? Ille Capitis Vertex venerandus ad Infulas, totus deniquè motus Præfulis plenus majestate, & Throno dignus. Talibus instructus es dotibus, non à fortuna, quod non postremæ id quoque felicitatis foret, Sed à Te Ipso, quod Divinæ & Tuae indolis est. Festinabant proinde Infulæ, ut Te sibi præriperent, jam succollaturæ subdebant alas Aquilæ, jam vela impellebant Favonii, ut nos votorum portum teneremus, cùm Vistulæ littus attigeris.

Annuere hodie Votis nostris Superi, ut vultu quoque Præfuleo oculos impleremus, post tot anhelitus, & desideriorum prope jam tædia. Perinde Tibi Præfulum desideratissime, atquè publicæ felicitati occurrimus, qui ad Commoda Orbis Poloni nasci, in ornamenta seculorum educari, in fastigium Honorum videris grandescere. Revolvit Tecum Illustrissimi Capituli Rota, meliorem Fortunam, summis

mis involutam fascibus. Illa Tuo incumbit Capiti
Infula, quæ de Regibus Poloniæ, imò de Christia-
no Orbe optimè merito Illustrissimo JOSEPHO
KOS servabatur, non tamen ad immortale diadema
invitatam attigit Frontem, ut proximè morituræ ma-
nus attractu illæsa, Te coronaret. Poteras equidem,
maximis suffragantibus meritis, majores prensare Mi-
tras, sed non Sanctiores. Quantum Sanctitatis istud!
Tota SS. TRINITAS, Tux Cathedræ titulis sese
impertit, in Empyreum abit Basilica, Tu JOANNES
primo statim aditu, extra Patrum devenis in illius
mysterii abdita, quò profunda hauriuntur ingenia.
Quò tandem vel primo à limine excreveris Insulato
Vertice? *Trinitatis* Supereminentiam postquam atti-
geris? Donas magnificum Virtutum augustal Pe-
ctus Tuum, Illustrissimæ Capituli Cruci; Donas al-
taribus Votum, Cor affectibus; Rotæ fortunam; pu-
blicæ felicitati, Lapidem angularem. Reliquum est,
ut Culmensi Insulæ demittas Caput, per Honoris
Culmina, ad curas Pastorales contendas pulchro
Virtutum passu. Illo tramite ad perenniolem pro-
grederis gloriam, illo stipatus meritorum statellitio,
quo Divus Honor, profanâ majorem adornaturus
pompan, incederet. Deducunt Te gestientis ani-
mi desideria, ferunt manibus Vota. Illustrissimi
Capituli Sacer Senatus, ceu radii Soli aut stellatum
Satellitium Cinthiæ, Cordi & non lateri tantum, ad-
hæret Tuo. Quanto se jam agmine in campos ef-
fundit Nobilitas? Quanto appreciationum exercitu,
ipsis prævolant Aquilis Universi! Omnes viarum tra-
ctus circumfluentis populi veneratio, faustæ accla-
mationes, tripudiantis animi lætitia, occupaverant
adeò, ut ne Urbem quidem, Cathedræquè Tux li-
mina facilè pervio passu adire valeas, quàm per vota,
M
& ani-

& animos. Patent hi, priusquam Culmen
 ex adita patuere. Prius devincta Tibi subin
 etora, quam Urbis attigeris limina. Hoc fio
 morum interpret lingua Civium eloquitur
 omnis, conditionis & ætatis non facile ad ne
 revocanda personat populi harmonia. Blar
 more, terras pervagantur JOANNIS CAS
 Regalia Nomina, ipsum Cælum ferit ab Al
 KUM. Ascende jam Tua eminentiâ subl
 Solium, illudquè Virtutum extensione, in
 Ævum amplia. Diu Te talem, faventia public
 citati, servant Numina, qualem primò de
 Secunda hæc Infula Tibi, Nobis fortunata,
 Mitras pariat, ne duntaxat ad Culmen Honori
 esse Celsissimus, & non dici audirequè me
 Non aliud votis apprecamur, quam ut pulchru
 nium Dignitatum, Senator continues; post mu
 catas, Illustrissimi Capituli Cruce, decades I
 rum, sub maximis Insulis, expectas canos. Un
 restat ut minimam Societatem, illa, qua soles
 voluntæ dignatione, respicias ab alto; Tota
 Tuarum partium est; sacris KOSTCÆ, Mecinii,
 gnisque Branicii Vapovii Nominibus devinctis
 In atomum decrescit ad Tui honoris Culmen, A
 ma etiam in encomiis Tuis, Tu vero ipse ut C
 men Honoris, ita ipse Tibi maximum es
 Elogium.



Culmen
bi subin
Hoc fi
oquitur
è ad n
Blan
CAS
b Alt
subl
, in
public
ò de
nata,
onori
è me
lchru
st mu
des l
Un
les
Tota
inii,
nctif
n, A
ut C
es

Biblioteka Jagiellońska



stdr0024056

